

مجازات قانونیه بی دعوت ایده جک جرمی و خلفت نفرتنی موجب اوله جق
شیلری دیگر و شخص کند و سته بر جمعیده اسانا و یا خودال یازوسی و یا بصه
کاغذ تعلیق و نشر یله اسناد و مأمورین دولت حقننده لغرض مفتریا به تصدی
ایدرو شخص مرقومک بو اسناداتی افترا و ولد یغی تبین ایلر ایسه عزو اولنان
ماده نك فاعلی حقننده قانونا ترتب ایده جک جزا عینیه مفتری حقننده اجرا
اولنور فقط قانونا و نظاما حکومته اخبار و قوعات ایتمک و یا خود دعوی
حقوق ایلمک بوقاعده دن مستشادر

ایکیوزاون دردنجی ماده بر ماده مخصوصه اسنادی اولیوب فقط
معایندن برشی تخصیصیه یا دیگر صورته بر کیسه دیگر کیسه حقننده مخل
ناموس سوز سوبلر و یا خود شتم ایلر ایسه یکر می درت ساعتدن بر آیه قدر
حبس اولنور و یا خود بو کابدل یارم مجیدیه التوننندن اوچ مجیدیه التوننه
قدر جزای نقدی التور

ایکیوزاون بشنجی ماده اطبا و جراح و اجزاجی و قابله خاتونلر و بونلرک
امثالی کیسه در صنعتلری اقتضاسیجه کندولرینه تودیسع قلنش اولان
سرار شخصیه بی قانونا اخباره مجبور اولدقلری احوال دن خیریده افشا
ایدلر ایسه یکر می درت ساعتدن بر هفتیه قدر حبس ایله بر بکر میلک
مجیدیه دن بر مجیدیه التوننه قدر جزای نقدی التور

(یدنجی فصل)*

(سرقت حقننده در)

ایکیوزاون التنجی ماده زوج و زوجه بلکده اولدقلری و یا بر لرلنده
مفارقت ایلدقلری حالده یکدیگرینه عائد اولان مالی و اولاد و سائر فروعک
بابا و انا و سائر اصولدن اولان اقربا نك مالی و بابا و انا و سائر اصولدن اولان
اقربا اولاد و سائر فروعک مالی اخذ ایدلر ایسه مأخوذات واقعه
استرداد اولنورق صاحبنه ویر یلور و مال مأخوذ صرف و استهلاك